

Talamdan sa
Mga Mensahe alang sa Full-time Training
sa Spring Term sa 2023

**LINANGKOB NGA HISGOTANAN:
ANG MAHINUNGDANONG MGA PUNTO SA KAMATUORAN SA MGA SULAT NI PABLO**

Mensahe 1

Ang Pagpaila kang Jesucristo nga Anak sa Dios

Basahong Kasulatan: Juan 1:18; 3:16, 18; 14:9-10; 20:31; Rom. 1:3-4, 8:3, 29

- I. Kinahanglan makaila ta sa Anak sa Dios—Juan 3:16; 20:31:**
- A. Nagpasabot sa pagpadayag sa Dios ang Anak sa Dios; kay gipadayag man sa Anak ang Amahan, pagpadayag sa Amahan ang Anak—1:18; 14:9-10:
 - B. Sa ranggo sa pagka-Dios ang Anak maoy kasanag sa himaya sa Dios ug ang dagway sa Iyang pagkamao—Heb. 1:3a:
 - 1. Ang himaya mao ang pagpadayag sa gawas, ug ang pagkamao mao ang kinaiya sa sulod:
 - a. Kalabot sa himaya nga pagpadayag sa Dios sa gawas, ang Anak maoy kasanag sa Iyang himaya—1:3a.
 - b. Kalabot sa pagkamao nga kinaiya sa Dios sa sulod, ang Anak maoy dagway sa pagkamao sa Dios—1:3a.
 - 2. Kanang ang Anak maoy kasanag sa himaya sa Dios ug ang dagway sa pagkamao sa Dios nagpasabot nga ang Anak mao ang Dios nga nidangat nato ug nianhi aron ipa-ambit ang Iyang Kaugaligon kanato—2 Cor. 13:14.
- II. “Pabangonon Ko ang imong kaliwat sunod nimo...,mahimo Kong Amahan niya, ug mahimo siyang anak nga lalaki Nako”—2 Sam. 7:12a, 14a:**
- A. Ang *imong kaliwat* sa 2 Samuel 7:12 ug ang *anak nga lalaki Nako* sa versiculo 14 nagpasabot nga ang kaliwat ni David mahimong Anak sa Dios, sa ato pa, mahimong diosnong Anak ang tawhanong kaliwat—Rom. 1:3-4.
 - B. Gipadayon ug lig-ong giugmad sa Bag-ong Tugon kining pulong kalabot sa kaliwat ni David nga nahimong Anak sa Dios—Mat. 22:41-45; Bug. 22:16.
- III. Kalabot sa Anak sa Dios, dunay duha ka aspeto—ang aspeto sa bugtong Anak sa Dios ug ang aspeto sa panganayng Anak sa Dios—Juan 3:16; Rom. 8:3, 29:**
- A. Ginganlan sa Biblia ang ikaduha sa Dios og bugtong Anak sa Dios—Juan 1:14, 18; 3:16, 18; 1 Juan 4:9:
 - 1. Ang pagkabugtong Anak sa Dios Niya nagpasabot sa Iyang pagkadios ug sa Iyang posisyon sa ranggo sa pagka-Dios—Juan 1:18.
 - 2. Isip bugtong Anak sa Dios, sama Siyag kinaiya sa Amahan ug sa Espiritu; naa Niya ang hingpit nga pagkamao sa Dios ug ang tanang bugtong-talagsaong kaayo niini—Col. 2:9.
 - 3. Ang pagkabugtong Anak Niya wala magpasabot nga dunay panahon nga wala Siya ug nga sa usa ka panahon sa nilabayng eternidad gipanganak Siya sa Dios:
 - a. Dios Siya sa walay kataposan—Heb. 1:12; 7:3.
 - b. Ang pagpanganak Kaniya wala magpasabot og hitabo kondili sa walay kataposang relasyon Niya sa Amahan; ang Amahan mao ang walay kataposang tinubdan sa Anak, ug ang Anak mao ang walay kataposang pagpadayag sa Amahan—1:3a.
 - B. Pinaagi sa pagkabanhaw nahimong Anak sa Dios si Cristo sa aspeto sa pagkapanganayng Anak sa Dios—vv. 5-6; Rom. 1:3-4; Buh. 13:33:
 - 1. Ang pagkapanganayng Anak sa Dios sa Ginoo nagpasabot sa Iyang pagkabanhaw, sa gihimaya Siya aron mahimong Anak sa Dios sa Iyang pagkadios ug pagkatawo—Rom. 1:3-4.

2. Sa Iyang pagkadios bugtong Anak sa Dios na Siya, apan pinaagi sa Iyang pagkabanhaw nahimong Anak sa Dios sab ang Iyang pagkatawo, ug nabuksan ang dalan aron mahimo tang daghang anak sa Dios—Juan 1:18; Rom. 8:3; 1:3-4.
 3. Pinaagi sa pagkabanhaw “gihimong anak” ug gipausbaw ngadto sa walay kataposang kahimtang ang Iyang pagkatawo.
 4. Pinaagi sa pagkabanhaw nahimong panganayng Anak sa Dios si Cristo nga tigpambit-og-kinabuhi aron ikapasamay ang kinabuhi nga gipakalawas diha Niya—8:29, 10, 6, 11.
- C. Sa unang pag-anhi ni Cristo Siya ang bugtong Anak sa Dios; sa ikaduhang pag-anhi Niya Siya ang panganayng Anak—Heb. 1:6-8.
- D. Ang pagkabugtong Anak sa Dios ni Cristo aron man matubos ta ug makabaton sa kinabuhing dayon; ang pagkahimong panganayng Anak sa Dios ni Cristo pinaagi sa Iyang kamatayon ug pagkabanhaw aron man mahimo tang mga anak sa Dios nga mga manunod sa tanang kadato sa pagkamao sa Dios, sa ato pa, modawat, moambit, ug mopahimulos sa kadato sa Tulong-usang Dios—Juan 3:14-16; Rom. 1:3-4; 8:14-17; Gal. 3:26, 29.

IV. Kinahanglan makaila ta ni Cristo sa Iyang pagkabanhaw nga gipaila nga Anak sa Dios diha sa gahom lakip ang Iyang tawhanong kinaiya—Rom. 1:3-4:

- A. Sa wala pa magpakatawo ug mabanhaw si Cristo, Anak sa Dios na Siya, ang bugtong Anak—Juan 1:18; 3:16.
- B. Bisan Anak sa Dios na si Cristo sa wala pa Siya magpakatawo, ipaila pa gyod gihapon Siya nga Anak sa Dios gikan sa pagkabanhaw kay sa pagpakatawo Niya gisul-ob man Niya ang tawhanong kinaiya, nga walay labot sa pagkadios—1:1, 14; Rom. 8:3:
1. Sa nagpakatawo na ang Anak sa Dios, natago sa unod ang diosnong kinaiya Niya.
 2. Anak sa Dios na si Cristo sa Iyang pagkadios, apan dili pa Anak sa Dios ang bahin Niya nga si Jesus nga dunay tawhanong kinaiya, nga gipanganak ni Maria—Luc. 1:31-32, 35.
 3. Sa pagkabanhaw ni Cristo gibalaan ug gipausbaw Niya ang Iyang tawhanong kinaiya, ang Iyang pagkatawo, ug gikan sa pagkabanhaw gipaila Siya nga Anak sa Dios nga dunay tawhanong kinaiya; ning kahulogana gipanganak Siya nga Anak sa Dios sa pagkabanhaw Niya—Rom. 1:3-4; Buh. 13:33; Heb. 1:5.
 4. Gipaila ang Anak sa Dios “diha sa gahom,” sa gahom sa pagkabanhaw ni Cristo, nga ang realidad mao ang Espiritu—Rom. 1:4; Fil. 3:10; Efe. 1:19-20.
- C. Pinaagi sa pagpaila diha sa pagkabanhaw si Cristo nga Anak na sa Dios sa wala pa Siya magpakatawo nahimong Anak sa Dios sa bag-ong paagi—Rom. 1:4:
1. Sa wala pa Siya magpakatawo Anak sa Dios Siya nga naa ray pagkadios; pinaagi sa Iyang pagkabanhaw gipaila Siya nga Anak sa Dios nga dunay pagkadios ug pagkatawo—v. 4.
 2. Kon wala pa isul-ob ni Cristo ang kinaiya sa tawo, dili na unta Siya ipaila pa nga Anak sa Dios, kay sa pagkadios Niya Anak sa Dios na man Siya, sukad pa sa eternidad—Juan 1:18; 17:5.
 3. Kay gisul-ob man Niya ang pagkatawo sa pagpakatawo Niya, gipaila Siya nga Anak sa Dios nga dunay pagkatawo sa pagkabanhaw Niya—1:14; Rom. 8:3; 1:3-4; Heb. 2:14:
 - a. Isip Anak sa Dios nga gipaila, duha ang kinaiya ni Cristo, ang pagkadios ug pagkatawo; ang pagkatawong naa Niya karon dili natural nga pagkatawo kondili pagkatawong gipausbaw sa pagkabanhaw—Rom. 1:4.
 - b. Bisan ang tawhanong kinaiya ni Cristo gipaila man nga Anak sa Dios, kay gipaila man Siya nga Anak sa Dios nga dunay pagkadios ug pagkatawo.
- D. Sumala gyod sa “Espiritu sa pagkabalaan” ang pagpaila kang Cristo nga Anak sa Dios nga dunay pagkatawo—v. 4
1. Sa nabanhaw si Ginoong Jesus gikan sa mga minatay, gipaila Siya nga Anak sa Dios diha sa gahom pinaagi sa pagkabanhaw sumala sa Espiritu sa pagkabalaan nga naa Niya—Rom. 1:4.
 2. Anak sa Dios Siya karon sa paagi nga labi pa katahom kaysa una, kay karon naa man Siyay diosnong kinaiya ug ang gibanhaw, gitransporma, gipausbaw, ug gipaila nga tawhanong kinaiya—6:4; Luc. 24:26; Juan 17:5; Buh. 3:13.